

NEWS CLIPPING – PRESS

	Date	Tue, 14 Feb 2023
Website	Bernama.com	
No. of Pages	2	
Section	Am	
Headline	Malaysia anjur CyberDSA Ogos ini	
URL	https://www.bernama.com/bm/am/news.php?id=2164514	

English Malay 中文 Arabic Español தமிழ்

BERNAMA.com

& T T T A- A A+

Malaysia anjur CyberDSA Ogos ini



CYBERJAYA, 14 Feb – Timbalan Menteri Komunikasi dan Digital (KKD) Teo Nie Ching (tengah) menyaksikan penyerahan dokumen persetujuan bagi penyertaan Cyber DSA 2023 oleh Pengurusan Akaun Rakan Kongsi Serantau Progress Annie Sun (dua, kanan) kepada Pengarah Eksekutif Aerosea Exhibitions Sdn Bhd Nadzeem Abdul Rahman (dua, kiri) pada Majlis Apresiasi Pemain Industri sempena dengan Hari Keselamatan Internet (SID) 2023 di Menara Cyber Axis hari ini. Turut kelihatan Pengurusi Lembaga Pengarah CyberSecurity Malaysia Tan Sri Dr Zulkifeli Mohd Zin (kiri) dan Ketua Pegawai Eksekutif CyberSecurity Malaysia Datuk Dr Amirudin Abdul Wahab (kanan).

CYBERJAYA, 14 Feb (Bernama) -- Ekspo dan Persidangan Pertahanan dan Keselamatan Siber Asia (CyberDSA) yang mengetengahkan trend terkini dan akan datang dalam pertahanan dan keselamatan siber, bakal julung kali diadakan pada 15 hingga 17 Ogos tahun ini di Pusat Konvensyen Kuala Lumpur.

CyberDSA akan menampilkan ucaptama, syarahan, perbincangan meja bulat dan pameran mengenai teknologi keselamatan siber baharu termasuk pertahanan siber, data raya, kecerdasan buatan dan teknologi blockchain, sepanjang program tiga hari itu.

Timbalan Menteri Komunikasi dan Digital Teo Nie Ching berkata CyberDSA akan menjadi penghubung bagi pembentukan kerjasama dan kolaborasi untuk mengendalikan pengetahuan, kepakaran dan pengalaman ke arah pendigitalan dan keselamatan

"Isu-isu keselamatan siber tidak pernah selesai dan Malaysia tidak terkecuali daripada ancamannya," katanya pada majlis Apresiasi Industri Siber sempena Hari Keselamatan Internet (SID) 2023 di sini, hari ini.

Beliau berkata walaupun pendigitalan telah menjadi sebahagian daripada kehidupan harian serta pemacu ekonomi utama Malaysia, dilaporkan negara mengalami kerugian RM600 juta tahun lepas akibat jenayah siber.

"Kementerian telah melaksanakan pelbagai inisiatif awam untuk meningkatkan literasi digital dalam kalangan masyarakat, namun, kami memerlukan sokongan pemain industri lain untuk secara efektif menangani jenayah siber yang semakin berleluasa," katanya.

Bagi mewujudkan ruang siber yang selamat secara mampan untuk semua, Teo berkata kerjasama antara pihak berkepentingan, tempatan dan antarabangsa, adalah sangat penting dan dari aspek ini, Malaysia sudah menjadi sebahagian daripada Strategi Kerjasama Keselamatan Siber ASEAN 2021-2025.

Katanya Kementerian Komunikasi dan Digital (KKD) juga telah mencadangkan penubuhan Meja Bulat Keselamatan Siber Malaysia-Singapura bagi menggalakkan kolaborasi antara dua negara yang lebih baik dan inisiatif itu akan diadakan secara tahunan untuk memperkuuh sekuriti siber terutama dari segi penyelarasaran tindak balas terhadap serangan siber.

Bertemakan '*Advancing Digitalisation and Security Through Collaboration*' (Ke Arah Pendigitalan dan Keselamatan Menerusi Kolaborasi), CyberDSA dianjurkan oleh Aerosea Exhibitions Sdn Bhd dengan kerjasama CyberSecurity Malaysia dan Angkatan Tentera Malaysia dan dijangka menarik lebih 100 pempamer dan 5,000 pengunjung dari 20 negara.